

CYNGOR BWRDEISTREF SIROL CONWY

GORCHYMYN GWARCHOD MANNAU CYHOEDDUS RHEOLI CŴN 2017 - DRAFFT

DEDDF YMDDYGIAD GWRTHGYMDEITHASOL, TROSEDDU A PHLISMONA 2014 (RHAN 4 PENNOD 2 ADRANNAU 59-75)

Mae Cyngor Bwrdeistref Sirol Conwy ("y Cyngor") wrth arfer ei rymoedd o dan Adran 59 Deddf Ymddygiad Gwrthgymdeithasol, Troseddu a Phlismona 2014 ("y Ddeddf") ac o dan yr holl rymoedd galluogi eraill, yn gwneud y gorchymyn canlynol:

1. Gellir galw'r Gorchymyn yn "Gorchymyn Gwarchod Mannau Cyhoeddus (Rheoli Cŵn) Cyngor Bwrdeistref Sirol Conwy" ('y Gorchymyn') ac mae'n berthnasol i bob man cyhoeddus a ddisgrifir yn yr Atodlenni'r Gorchymyn ac a ddangosir ar y cynlluniau sydd ynghlwm i'r Gorchymyn hwn ("yr ardaloedd cyfyngedig").
2. Wrth wneud y Gorchymyn hwn, mae'r Cyngor yn fodlon ar sail resymegol bod:-
 - (i) gweithgareddau a gynhaliwyd mewn man cyhoeddus o fewn ardal yr awdurdod wedi cael effaith andwyol ar ansawdd bywyd rheini yn yr ardal, neu mae'n debygol y bydd gweithgareddau yn cael eu cynnal mewn man cyhoeddus yn yr ardal ac y byddant yn cael effaith o'r fath;
 - (ii) yr effaith, neu effaith tebygol y gweithgareddau yn, neu'n debygol o fod o natur gyson neu barhaol, neu'n debygol o fod i wneud y gweithgareddau yn afresymol, ac yn cyfiawnhau'r cyfyngiadau a osodir gan y Gorchymyn.
3. Mae'r Cyngor hefyd yn fodlon bod y gwaharddiadau a gofynion a nodir yn y Gorchymyn hwn yn rhesymol:-
 - (i) i atal yr effaith andwyol ar ansawdd bywyd pobl yn yr ardal rhag parhau, digwydd neu ddychwelyd; neu
 - (ii) i leihau'r effaith andwyol neu i leihau'r risg ei fod yn parhau, yn digwydd neu'n dychwelyd.
4. Fe ddaw'r Gorchymyn hwn i rym ar [REDACTED] 2018 a bydd yn parhau i fod mewn grym am gyfnod o dair blynedd o'r dyddiad hwnnw.
5. Cyn i'r Gorchymyn hwn ddod i ben, fe all y Cyngor ei ymestyn, ei amrywio neu ei ddileu yn unol â darpariaethau'r Ddeddf.

YN Y GORCHYMYN HWN

6. Effaith y Gorchymyn ydi gosod y cyfyngiadau a/neu ofynion canlynol yn yr ardaloedd cyfyngedig bob amser:-

(i) BAEDDU TIR GAN GŴN

(a) Os bydd ci yn ysgarthu ar unrhyw adeg ar dir yn yr ardal dan gyfyngiadau a fanylir yn Atodlen 1 y Gorchymyn hwn, rhaid i'r unigolyn sydd â chyfrifoldeb dros y ci ar yr adeg hynny gael gwared ar y baw o'r tir ar unwaith, oni bai:-

- (i) bod gan yr unigolyn hwnnw esgus rhesymol dros fethu â gwneud hynny; neu
- (ii) bod y perchennog/meddiannydd y tir neu unigolyn neu awdurdod arall sydd â rheolaeth dros y tir wedi cydsynio (yn gyffredinol neu'n benodol) i'r unigolyn hwnnw beidio â gwneud hynny; neu
- (iii) bod yr unigolyn hwnnw yn destun yr eithriadau a restrir yn Atodlen 1.

(b) At ddibenion yr erthygl hon:-

- (i) cymerir bod unigolyn y mae ci fel rheol yn ei feddiant yn gyfrifol am y ci hwnnw ar unrhyw adeg oni bai fod rhyw unigolyn arall yn gyfrifol am y ci hwnnw ar yr adeg honno
- (ii) bydd gosod y baw mewn cynhwysydd a ddarperir ar y tir at y diben hwnnw, neu ar gyfer gwaredu gwastraff, yn ddigonol i gael gwared ohono oddi ar y tir;
- (iii) ni fydd bod yn anymwybodol o'r ysgarthu (naill ai gan nad oeddech yn y cyffiniau neu fel arall), neu nad oes gennych declyn i gael gwared ar y baw ci neu ddull arall addas o wneud hynny yn esgus rhesymol dros fethu â chael gwared ar y baw ci.

(ii) DULL I GAEL GWARED AR FAW

(a) Mae'n rhaid i unigolyn sydd â chyfrifoldeb dros gi ar dir yn yr ardal dan gyfyngiadau a fanylir yn Atodlen 2 fod â theclyn addas gyda nhw i bigo baw'r ci oni bai -

- (i) bod gan yr unigolyn hwnnw esgus rhesymol dros beidio â gwneud hynny; neu
- (ii) bod y perchennog/meddiannydd y tir neu unigolyn neu awdurdod arall sydd â rheolaeth dros y tir wedi cydsynio (yn gyffredinol neu'n benodol) i'r unigolyn hwnnw fethu â gwneud hynny; neu

- (iii) bod yr unigolyn hwnnw yn destun yr eithriadau a restrir yn Atodlen 2.
- (b) Fe gydymffurfir â'r rhwymedigaeth yn Erthygl 6 (ii) (a) os bydd yr unigolyn sydd â chyfrifoldeb dros y ci yn cyflwyno dull addas o bigo baw'r ci i fyny, yn dilyn cais gan swyddog awdurdodedig o'r Cyngor i wneud hynny.
- (c) Yn yr erthygl hon o'r Gorchymyn, ystyr 'swyddog awdurdodedig o'r Cyngor' ydi unigolyn sydd wedi'i awdurdodi gan y Cyngor at ddibenion rhoi cyfarwyddiadau o dan yr erthygl hon.

(iii) GWAHARDD CŴN – GWAHARDDIAD GYDOL Y FLWYDDYN

- (a) Ni ddylai unigolyn sydd â chyfrifoldeb dros gi fynd â'r ci hwnnw ar unrhyw dir yn yr ardaloedd cyfyngedig y cyfeirir atynt yn Atodlen 3 y Gorchymyn hwn, neu ganiatáu iddynt fynd arno neu aros arno oni bai:-
 - (i) bod gan yr unigolyn hwnnw esgus rhesymol dros wneud hynny; neu
 - (ii) bod perchennog y tir, meddiannydd y tir neu unigolyn neu awdurdod arall sydd â rheolaeth dros y tir wedi cydsynio (yn gyffredinol neu'n benodol) i'r unigolyn wneud hynny; neu
 - (iii) bod yr unigolyn hwnnw yn destun yr eithriadau a restrir yn Atodlen 3.
- (b) At ddiben yr erthygl hon:-
 - (i) cymerir bod unigolyn y mae ci fel rheol yn ei feddiant yn gyfrifol am y ci hwnnw ar unrhyw adeg oni bai fod rhyw unigolyn arall yn gyfrifol am y ci hwnnw ar yr adeg honno.

(iv) GWAHARDD CŴN – GWAHARDDIAD TYMHOROL

- (a) Ni ddylai unigolyn sydd â chyfrifoldeb dros gi fynd â'r ci hwnnw ar unrhyw dir yn yr ardaloedd cyfyngedig y cyfeirir atynt yn Atodlen 4 y Gorchymyn hwn, neu ganiatáu iddynt fynd arno neu aros arno oni bai:-
 - (i) bod gan yr unigolyn hwnnw esgus rhesymol dros wneud hynny; neu
 - (ii) bod perchennog y tir, meddiannydd y tir neu unigolyn neu awdurdod arall sydd â rheolaeth dros y tir wedi cydsynio (yn gyffredinol neu'n benodol) i'r unigolyn wneud hynny; neu
 - (iii) bod yr unigolyn hwnnw yn destun yr eithriadau a restrir yn Atodlen 4.

- (b) At ddiben yr erthygl hon:-
- (i) cymerir bod unigolyn y mae ci fel rheol yn ei feddiant yn gyfrifol am y ci hwnnw ar unrhyw adeg oni bai fod rhyw unigolyn arall yn gyfrifol am y ci hwnnw ar yr adeg honno.

(v) CŴN AR DENNYN

- (a) Rhaid i unigolyn sydd â chyfrifoldeb dros gi ar unrhyw adeg, roi a chadw'r ci ar dennyn yn yr ardal dan gyfyngiadau a fanylir yn Atodlen 5 oni bai:-
- (i) bod gan unigolyn esgus rhesymol dros beidio â gwneud hynny; neu
 - (ii) bod perchennog y tir, meddiannydd y tir neu unigolyn neu awdurdod arall sydd â rheolaeth dros y tir wedi cydsynio (yn gyffredinol neu'n benodol) i'r unigolyn beidio â gwneud hynny.

- (b) At ddiben yr erthygl hon:-
- (i) cymerir bod unigolyn y mae ci fel rheol yn ei feddiant yn gyfrifol am y ci hwnnw ar unrhyw adeg oni bai fod rhyw unigolyn arall yn gyfrifol am y ci hwnnw ar yr adeg honno.

(vi) CŴN AR DENNYN TRWY GYFARWYDDYD

- (a) Rhaid i unigolyn sydd â chyfrifoldeb dros gi ar unrhyw adeg, roi a chadw'r ci ar dennyn pan roddir cyfarwyddyd iddynt wneud hynny yn yr ardal dan gyfyngiadau a fanylir yn Atodlen 6 oni bai:-
- (i) bod gan unigolyn esgus rhesymol dros beidio â gwneud hynny; neu
 - (ii) bod perchennog y tir, meddiannydd y tir neu unigolyn neu awdurdod arall sydd â rheolaeth dros y tir wedi cydsynio (yn gyffredinol neu'n benodol) i'r unigolyn wneud hynny.

- (b) At ddiben yr erthygl hon:-

- (i) cymerir bod unigolyn y mae ci fel rheol yn ei feddiant yn gyfrifol am y ci hwnnw ar unrhyw adeg oni bai fod rhyw unigolyn arall yn gyfrifol am y ci hwnnw ar yr adeg honno;
- (ii) ni chaiff swyddog awdurdodedig o'r Cyngor roi cyfarwyddyd o dan y Gorchymyn hwn i roi ci ar dennyn a'i gadw arno oni fo'r cyfryw lyffethair yn rhesymol angenrheidiol i atal niwsans neu ymddygiad gan y ci sy'n debygol o beri blinder neu aflonyddwch i unrhyw unigolyn arall ar unrhyw dir y mae'r Gorchymyn hwn yn gymwys iddo neu o gyffroi unrhyw anifail neu aderyn neu aflonyddu arnynt.
- (iii) yn yr erthygl hon, ystyr "swyddog awdurdodedig o'r Cyngor" ydi unigolyn sydd wedi'i awdurdodi gan y Cyngor at ddibenion rhoi cyfarwyddiadau o dan yr erthygl hon.

7. COSB

7.1 Bydd unrhyw unigolyn, heb reswm rhesymol yn methu â chydymffurfio â'r gofynion neu waharddiadau yn erthyglau 6(i), 6 (ii), 6(iii), 6(iv), 6(v), 6(vi) y Gorchymyn hwn, yn agored o'i gollfarnu'n ddiannod, i ddirwy nad yw'n fwy na lefel 3 (£1000 ar hyn o bryd) ar y raddfa safonol.

8. COSB BENODEDIG

8.1 Gall cwnstabl, Swyddog Cymorth Cymunedol yr Heddlu neu unigolyn awdurdodedig o'r Cyngor roi rhybudd cosb benodedig i unigolyn y mae o neu hi yn credu sydd wedi cyflawni trosedd. Rhaid i unigolyn sy'n cyflawni trosedd dalu'r gosb benodedig o £100 o fewn 28 diwrnod, ac os na fyddant yn gwneud hynny, efallai y cânt eu herlyn.

8.2 Rhybudd cosb benodedig ydi rhybudd sydd yn rhoi cyfle i'r unigolyn a'i derbyniodd i ryddhau unrhyw atebolrwydd i gollfarn am y drosedd trwy dalu cosb benodedig i'r Cyngor.

8.3 Pan fydd unigolyn yn derbyn rhybudd cosb benodedig o dan y Gorchymyn hwn:-

- (a) ni ellir dwyn achos am y drosedd cyn diwedd cyfnod o 28 diwrnod ar ôl dyddiad y rhybudd;
- (b) ni ellir dyfarnu unigolyn yn euog am y drosedd os ydi'r unigolyn hwnnw yn talu'r gosb benodedig cyn diwedd y cyfnod hwnnw.

9. APELIADAU

- 9.1 Rhaid cyflwyno unrhyw her i'r Gorchymyn hwn i'r Uchel Lys gan berson â buddiant o fewn 6 wythnos ar ôl iddo gael ei gyflwyno neu ei amrywio. "Person â buddiant" ydi rhywun sy'n byw, neu'n gweithio'n rheolaidd, neu'n ymweld â'r ardal gyfyngedig. Mae hyn yn golygu mai dim ond y rhai a effeithir yn uniongyrchol gan y cyfyngiadau sydd â'r hawl i apelio.
- 9.2 Gall personau â buddiant herio dilysrwydd y Gorchymyn ar ddwy sail:-
- (i) nad oedd gan y Cyngor y pŵer i wneud y gorchymyn neu amrywiad, neu i gynnwys gwaharddiadau neu ofynion penodol a osodwyd gan y Gorchymyn; neu
 - (ii) na chydymffurfiwyd â gofyniad o dan y ddeddfwriaeth i wneud neu amrywio Gorchymyn.
- 9.3 Pan gyflwynir cais, gall yr Uchel Lys benderfynu atal gweithrediad y Gorchymyn, neu rai o'r gwaharddiadau neu ofynion a osodwyd gan y Ddeddf, nes y gwneir penderfyniad terfynol.
- 9.4 Mae gan yr Uchel Lys y gallu i gynnal y Gorchymyn, ei ddileu neu ei amrywio.

ARDALOEDD CYFYNGEDIG

ATODLEN 1 - BAEDDU TIR GAN GŴN

- (1) **Pob man cyhoeddus o fewn ardal gyfan Cyngor Bwrdeistref Sirol Conwy fel y'u dangosir yng Nghynllun 1.**

Ystyr "Man Cyhoeddus" yn y Gorchymyn hwn ydi unrhyw dir:-

- (i) sydd yn agored i'r awyr (sy'n cynnwys unrhyw dir dan do ond yn agored i'r awyr ar o leiaf un ochr); ac
- (ii) tir y mae gan y cyhoedd neu ran o'r cyhoedd hawl neu ganiatâd i gael mynediad iddo (gyda neu heb daliad), trwy hawl neu yn rhinwedd caniatâd penodol neu ymhlyg.

- (2) **Eithriadau – Does dim yn yr Atodlen hon yn berthnasol i unigolyn:-**

- (i) sydd wedi cofrestru fel unigolyn dall mewn cofrestr a luniwyd o dan adran 29 Deddf Cymorth Gwladol 1948; neu
- (ii) sydd ag anabledd sydd yn effeithio ar ei symudedd, ei law deheurwydd, ei gydsymud corfforol neu eu allu i godi, i gario neu i symud gwrthrychau bob dydd mewn modd arall, mewn perthynas â chi a hyfforddwyd gan elusen ragnodedig ac y mae'r unigolyn hwnnw yn dibynnu arno am gymorth.

- (3) **At ddiben yr Atodlen hon, mae'r canlynol yn "elusennau a ragnodwyd":-**

- (i) Dogs for the Disabled (elusen gofrestedig rhif 700454);
- (ii) Support Dogs (elusen gofrestedig rhif 1088281); a
- (iii) Canine Partners for Independence (elusen gofrestedig rhif 803680).

ATODLEN 2 - DULL I GAEL GWARED AR FAW

- (1) Pob man cyhoeddus o fewn ardal gyfan Cyngor Bwrdeistref Sirol Conwy fel y'u dangosir yng Nghynllun 2.**

Ystyr "Man Cyhoeddus" yn y Gorchymyn hwn ydi unrhyw dir:-

- (i) sydd yn agored i'r awyr (sy'n cynnwys unrhyw dir dan do ond yn agored i'r awyr ar o leiaf un ochr); ac;
- (ii) tir y mae gan y cyhoedd neu ran o'r cyhoedd hawl neu ganiatâd i gael mynediad iddo (gyda neu heb daliad), trwy hawl neu yn rhinwedd caniatâd a fynegwyd neu ymhlyg.

- (2) Eithriadau – Does dim yn yr Atodlen hon yn berthnasol i unigolyn:-**

- (i) sydd wedi cofrestru fel unigolyn dall mewn cofrestr a luniwyd o dan adran 29 Deddf Cymorth Gwladol 1948; neu
- (ii) sydd ag anabledd sydd yn effeithio ar ei symudedd, ei law dehurwydd, ei gydsymud corfforol neu eu gallu i godi, i gario neu i symud gwrthrychau bob dydd mewn modd arall, mewn perthynas â chi a hyfforddwyd gan elusen ragnodedig ac y mae'r unigolyn hwnnw yn dibynnu arno am gymorth.

- (3) At ddiben yr Atodlen hon, mae'r canlynol yn "elusennau a ragnodwyd":-**

- (i) Dogs for the Disabled (elusen gofrestedig rhif 700454);
- (ii) Support Dogs (elusen gofrestedig rhif 1088281); a
- (iii) Canine Partners for Independence (elusen gofrestedig rhif 803680).

ATODLEN 3 - GWAHARDD CŴN – GWAHARDDIAD GYDOL Y FLWYDDYN

- (1) **Pob man cyhoeddus o fewn ardal gyfan Cyngor Bwrdeistref Sirol Conwy fel y'u dangosir yng Nghynlluniau 1 a 2, yn benodol**
- (a) Pob Lle Chwarae Plant a Ffensiwyd
 - (b) Pob Ardal Gemau Amldeffnydd
 - (c) Pob Cwrt Tennis
 - (d) Pob Parc Sglefrio
 - (e) Pob Lawnt Fowlio
 - (f) Pob Maes Hamdden sy'n gysylltiedig â Sefydliadau Addysgol
 - (g) Pob Ardal Chwarae Maes Chwaraeon a Farcwyd

Gan gynnwys hefyd y meysydd penodol a restrir isod ac a ddangosir mewn coch yng Nghynllun 3

- (h) Cae Chwarae Betws-yn-Rhos, Betws-yn-Rhos
- (i) Cae Chwarae Capel Garmon, Capel Garmon
- (j) Cae Pêl-droed Cae Ffwrt, Glan Conwy
- (k) Cae Chwarae Gyffin, Gyffin
- (l) Ardal Hamdden Ffordd Gowers, Trefriw
- (m) Cae Chwarae Cae Llwyd, Cerrigydrudion
- (n) Cae Chwarae Maes Aled, Llansannan
- (o) Cae Pêl-droed, lawnt fowlio a'r ardal gemau amldeffnydd, Llansannan
- (p) Cae Pêl-droed, lawnt fowlio, pwll nofio, cyrtiau tenis a'r ardal chwarae plant, Llanfairfechan
- (q) Pwll Padlo Cymunedol Llandudno/Craig y Don
- (r) Traeth Bae Colwyn – yr ardal o draeth rhwng y marc llanw isel a wal y promenâd rhwng y llithrfa (ond nid yn cynnwys y llithrfa) ar gyfer Porth Eirias a'r ail fynedfa i'r traeth i'r chwith o'r Pier, mewn llinell â Gorsaf Bae Colwyn

- (s) Rhos Point, Llandrillo-yn-Rhos - y darn bach o draeth tywodlyd heb ei olchi gan y llanw.

(2) Eithriadau – Does dim yn yr Atodlen hon yn berthnasol i unigolyn -

- (i) sydd wedi cofrestru fel unigolyn dall mewn cofrestr a luniwyd o dan adran 29 Deddf Cymorth Gwladol 1948; neu
- (ii) sydd yn fyddar, mewn perthynas â chi wedi'i hyfforddi gan Hearing Dogs for Deaf People (elusen gofrestedig rhif 293358) ac y mae'r unigolyn hwnnw yn dibynnu arno am gymorth (rhaid i'r cŵn fod wedi'u marcio'n glir fel cymorthyddion); neu
- (iii) sydd ag anabledd sydd yn effeithio ar ei symudedd, ei law dehurwydd, ei gydsymud corfforol neu eu allu i godi, i gario neu i symud gwrthrychau bob dydd mewn modd arall, mewn perthynas â chi a hyfforddwyd gan elusen ragnodedig ac y mae'r unigolyn hwnnw yn dibynnu arno am gymorth.

ATODLEN 4 - GWAHARDD CŴN – GWAHARDDIAD TYMHOROL

- (1) Pob traeth yn dymhorol rhwng 1 Mai a 30 Medi gan gynnwys glan y môr a blaen draeth yn unol ag (a) i (f) isod ac fel y'u dangosir mewn coch ar Gynllun 4.**
- (a) Bae Cinmel – yr ardal o draeth rhwng y marc llanw isel a'r promenâd rhwng y fynedfa i'r traeth o faes pario St Asaph Avenue, Bae Cinmel a'r fynedfa gyntaf i'r traeth o'r promenâd ger Woodside Avenue, Bae Cinmel.
 - (b) Pensarn – yr ardal o draeth rhwng y marc llanw isel a'r promenâd rhwng y polion pren a fewnosodwyd yn gyfagos i adeilad y caffi a'r polion concriid a fewnosodwyd ar ben eithaf gorllewinol y promenâd.
 - (c) Traeth y Gogledd Llandudno - yr ardal o draeth rhwng y marc llanw isel a'r promenâd yn ymestyn o Bier Llandudno i'r llithrfa gyntaf (ond ddim yn cynnwys y llithrfa).
 - (d) Pen Morfa Llandudno – y darn o draeth sy'n ymestyn rhwng y marc llanw isel a'r promenâd sy'n ymestyn rhwng y ddau grwyn cerrig.
 - (e) Penmaenmawr – yr ardal o draeth rhwng y marc llanw isel a'r promenâd o'r morglawdd at y llithrfa (ond ddim yn cynnwys y llithrfa) ger yr ardal chwarae plant.
 - (f) Llanfairfechan - yr ardal o draeth sy'n ymestyn rhwng y marc llanw isel a'r promenâd rhwng y ddwy lithrfa (ond ddim yn cynnwys y llithrfeydd)

ATODLEN 5 - CŴN AR DENNYN

(1) Pob ffordd gyhoeddus a phalmant sydd yn destun cyfyngiad cyflymder o 40mya neu lai o fewn ardal gyfan Cyngor Bwrdeistref Sirol Conwy

- (a) Yn y Gorchymyn hwn, y diffiniad o “ffordd” ydi pob priffordd gyhoeddus sydd â hawl tramwy i gerbydau modur (sydd yn cynnwys ardaloedd ar gyfer palmentydd, troedffyrdd ac ymylon ffordd ar gyfer cerddwyr o fewn priffordd);
- (b) Yn adran 185(1) Deddf Rheoleiddio Traffig Ffyrdd 1988 ac adran 136(1) Deddf Rheoleiddio Traffig Ffyrdd 1984, y diffiniad o “gerbydau modur” ydi “cerbyd a yrrir yn fecanyddol a fwriadwyd neu a addaswyd i’w ddefnyddio ar ffyrdd”.

(2) Yr holl dir yn ardal gyfan Cyngor Bwrdeistref Sirol Conwy fel y dangosir yng Nghynlluniau 1 a 2, yn benodol

- (a) Pob Mynwent ac Iard Eglwys
- (b) Pob Maes Parcio

Gan gynnwys hefyd y meysydd penodol a restrir isod ac a ddangosir mewn piws yng Nghynllun 5

- (c) Caeau Chwarae Cae Derw, Cyffordd Llandudno; nid yw’n cynnwys yr ardal â ffens a ddynodwyd ar gyfer ymarfer corff i gŵn
- (d) Cae Chwarae Betws-yn-Rhos, Betws-yn-Rhos
- (e) Cae Hamdden Pentywyn Road, Deganwy
- (f) The Oval, Llandudno
- (g) Maes Hamdden Maesdu Road, Llandudno
- (h) Cae Hamdden Rowen, Rowen
- (i) Llwybr Glanrafon o’r Bont i Faes Parcio Plas y Dre, Llanrwst
- (j) Clwb Golff, Betws-y-Coed
- (k) Clwb Golff Gogledd Cymru, Llandudno

- (l) Tir Cymdeithas Gymunedol a Hamdden Llysfaen, Dolwen Road, Llysfaen
- (m) Twyni Tywod, Bae Cinmel
- (n) Maes Hamdden Llanfairfechan a Thir o amgylch y Llyn Cychod, Llanfairfechan
- (o) Cae Hamdden Parc Clwyd, Bae Cinmel, ddim yn cynnwys ardal â ffens a ddynodwyd ar gyfer cŵn
- (p) Ystâd Gwrych, Abergele
- (q) Ardal o Barc Bodlondeb yn cynnwys cae pêl-droed, cae criced, cyrtiau tenis a'r ardal chwarae plant, Conwy
- (r) Y llwybr rhwng Ffordd Glan yr Afon ac Old Mill Road, Dwygyfylchi
- (s) Y llwybr rhwng Conwy Old Road ac Old Mill Road, Dwygyfylchi
- (t) Y llwybr o Ffordd Ysguborwen i'r garej ger A55/Maes Y Llan, Dwygyfylchi
- (u) Y tir hamdden sy'n amgylchynu'r cae pêl-droed, y lawnt fowlio a'r ardal gemau amldefnydd, Llansannan

ATODLEN 6 - CŴN AR DENNYN TRWY GYFARWYDDYD

- (1) **Pob man cyhoeddus o fewn ardal gyfan Cyngor Bwrdeistref Sirol Conwy fel y'u dangosir yng Nghynlluniau 1 a 2.**

Ystyr “Man Cyhoeddus” yn y Gorchymyn hwn ydi unrhyw dir:-

- (i) sydd yn agored i'r awyr (sy'n cynnwys unrhyw dir dan do ond yn agored i'r awyr ar o leiaf un ochr); ac
- (ii) tir y mae gan y cyhoedd neu ran o'r cyhoedd hawl neu ganiatâd i gael mynediad iddo (gyda neu heb daliad), trwy hawl neu yn rhinwedd caniatâd penodol neu ymhlyg.

DRAFT